

華東稀見叢書文獻 第十六卷

中國華東文獻叢書



中國華東文獻叢書·第二輯

華東稀見叢書文獻

第十六卷

甘肅省古籍文獻整理編譯中心
中國華東文獻叢書編輯委員會

編

本卷目錄

王漁洋遺書 二	〔清〕王士禎撰	〇〇三
漁洋山人文略		〇〇五
南海集		一九四
秦蜀驛程後記		二二四
皇華紀聞		二六〇
蜀道驛程記		三一九
南來志		三六六
北歸志		三八一
浯溪考		三九二
蕭亭詩選		四一三
徐詩		四七五
歷仕錄		五〇五

【清】王士禎撰


王漁洋遺書

二

《王漁洋遺書》，〔清〕王士禎撰，清康熙刻本。

王士禎（公元一六三四至一七一一年），原名士禎，字子真，貽上，號阮亭，又號漁洋山人，謚文簡。山東新城（今桓臺縣）人，常自稱濟南人。清初杰出詩人。官至刑部尚書。本輯所選二十五種，一百二十九卷。爲王士禎本人所撰，或選輯唐代詩人或明代親友所著詩文。書長二十六釐米，寬十六點六釐米；版框長十七點八釐米，十三釐米。黑口，單魚尾，四周單邊。每半頁十行，行十九字。

漁洋山人
文略



新城先生文集序

天以天下之文章付之於人，柄莫大焉。人必以文章之事任之於己，統莫重焉。天下之物皆可統而有也，獨文章爲天下之公器。天以人之所可統者授之於人，不難於齊給其欲而獨若斯之以文章非以其可公天下乎？人之所有皆不旋踵而奪也，獨文章歷千古而久存，人以天之所旋奪者有之於身，不難於備享其盛而獨不能與於文章之事，非以其可歷千古乎？以公天下歷千古者，舉而界其柄於一人，總其統於一身，而豈偶然哉？天於是人必萃其淑靈和清之氣以生，故往往近者數十年遠者至數百年而後得一興焉。若唐之李白、杜甫之於詩，韓愈、柳宗元之於文，是也。文始於大經聖人之作，承之以丘明、馬遷、仲舒、賈誼、劉向、班固諸賢，而後昌黎、柳州出而彙其傳，詩始於經之三百篇，承之以屈子之騷，蘇、李、曹、劉、陶、謝之五言，至沈、宋、王、昂源明盡古今之體，而後李白、杜甫起而集其盛，則夫李、杜、韓、柳非數百年而一生者乎？其間王維、孟浩然、高適、岑參、韋應物、李翱、皇甫湜之輩人雖並世而世不復有，所謂數十年而一生者也。夫起數十年而一生，莫於文章，往者不復其柄所旁寄，統所分屬者焉。若其盡操天下文章之柄而紹古今之統者，則非此數百年而一生之人不可。新城王先生既享天之所付，以統系古今之作者，蓋數百年而一生之人也。詩有漁洋山人前集、後集三十八卷，蜀道南海集之孤行者又各二卷。天下之人無不知誦習之者，其推尊而歸向之以爲先生今之太白、子美也。雲章近者亦以此序先生之詩，羣知其非溢美矣。先生之文，其散見者雖多而未有專刻行世者，其所爲序記碑誌等得其一言者，爭寶以去而語之以先生之文，昌黎、柳州之文也。容有或信或不信者，自雲章考之固嘗以先生之詩蓋不爲李、不爲杜者，而其爲詩人之總萃得乎國風雅頌之正者，猶之李、吳、杜也。其文亦不爲韓、不爲柳者，而其爲文人之總萃得乎續言記事之正亦猶之韓、與、柳也。先生以秀偉特出之才，經傳史記百家巨細穿穴其詞，所從出莫之紀極，而皆本於意所獨運，故未嘗一襲李、杜、韓、柳之所已言以之，迨配乎李、杜、韓、柳而無不足而世之或信或不盡信者，則以詩家自朱、南渡以來太白、子

美之宗風雖有有意以振之者而力皆有所未逮
 明自初葉以後尤散亂而無統先生之詩法蓋至
 百年無此作矣故見者翕然而師尊之無異雖至
 又則大昌於宋下迄於唐應德歸熙甫猶有昌黎
 柳州之具體存焉夫亦流風未墜見者仰而玩之
 乎今蠶尾集之刻爲詩二卷爲文八卷又次其雜
 文舊集十四卷別爲集將與天下盡見之矣其尊
 先生之詩於李杜者信之尊先生之文於韓柳者
 寧有不盡信者耶先生既自以數百年而一生之
 人振興斯世之文章而尤樂與斯世之君子共其
 旁奇之柄分屬之統磨礪洗濯爭相奮於數十年
 之間固已彬彬乎有人也士之幸而出其時者與
 先生並世宜知天人之運會文章蓋特際其盛爲
 數百年而一覩者其亦慶已之遭也哉若夫先生
 受知
 今上特擢侍從歷今二十年位登列卿清忠諒直
 以道自將爲中外所共信此則先生所以爲文之
 本學者又不可不知也夫康熙三十四年十月嘉
 定受業門人張雲章謹序

滄洋山人文路目錄

卷一

四川鄉試錄序

西巡日錄序

長山縣新誌序

豐城丁氏族譜序

幽風七月圖序

歸潛志序

淄乘徵序

光祿英華序

唐賢三昧集序

唐文粹選詩序

感舊集序

佳山堂集序

徐詩序

卷二

竹垞文類序

回中詩集序

雙江唱和集序

西山唱和集序

嵩遊詩選序

黃湄詩選序

笠山詩選序

陶菴詩選序

玉巖詩選序

蕭亭詩選序

連洋詩選序

悔齋詩集序

卷三

鄧孝威被徵詩序

使粵集序

南征詩集序

東濱詩序

覽古詩集序

尖星閣詩集序

惺格堂集序

東浦詩集序

倚聲集序

入吳集自序

過江集自序

送李東安序

癸卯詩卷自序

卷四

遊鷓鴣山烏龍潭諸勝記

遊鍾山靈谷寺記

遊金陵城南諸刹記

遊瓦官寺記

雨登木末亭記

夜登洪濟寺記

登燕子磯記

遊牛首山記

遊獻花叢祖堂記

遊攝山記

遊寶華山記

金山題名記

焦山題名記

北固山題名記

鶴林寺題名記

招隱寺題名記

竹林寺題名記

生生菴題名記

卷五

劉孔和王遵坦傳

任民育楊定國傳

步司徒焦公傳

馬文毅公傳

葉靖顏先生傳

呂格所先生傳

范先生傳

張處士傳

張先生傳

卷六

畢子萬公權家傳

貞烈韓孺人傳

李母刁孺人傳

烈節董淑人傳

王節母徐氏傳

烈婦郝氏傳

李烈婦傳

董烈婦傳

五烈節家傳

費劍俠二事

卷七

誥授光祿大夫總督陝西三邊四川等處軍

務少保兼太子太保兵部尚書兼都察院

右副都御史世襲阿思哈尼哈番諭忠毅

孟公神道碑銘

誥授奉政大夫吏部稽勲清吏司郎中王公

墓表

誥授朝議大夫提督廣東學政按察司僉事

張公墓表

誥贈中大夫山東轉鹽運使司運使王公墓

表

張學海先生墓表

吳臨領墓表

孝廉李君墓表

卷八

誥封中大夫通政使司右通政伊公墓誌銘

誥授資政大夫巡撫雲南兼建昌畢節等處

地方贊理軍務兼督川貴兵餉都察院右

副都御史伊公墓誌銘

勅授文林郎掌山西道事山西道監察御史

傅公墓誌銘

誥授光祿大夫光祿寺卿龔公墓誌銘

誥授朝議大夫四川按察司僉事南公暨配

田恭人合葬墓誌銘

誥授大中大夫河南布政使司分守驛傳鹽

法道參政杜公墓誌銘

卷九

誥授奉政大夫廣西分巡左江道按察司僉

事李公墓誌銘

勅授文林郎河南道監察御史趙公暨配房

呂二孺人合葬墓誌銘

誥授昭勇將軍童太公墓誌銘

候選知縣馬君墓誌銘

待封徵仕郎文學陸君墓誌銘

賜進士出身高君墓誌銘

容城縣教諭趙君墓誌銘

勅授文林郎內丘縣知縣吳君墓誌銘

張宜人墓誌銘

卷十

誥授中憲大夫陝西布政使司左叅議王公

行狀

世父侍御公逸事狀

誥封朝議大夫國子監祭酒先考府君行述

誥封宜人先妣孫太君行述

卷十一

賜進士出身先兄東亭行述

誥封宜人先室張氏行述

祭 誥封奉政大夫李太公文代祭酒公作

祭孫無言文 祭張母景碩人文

卷十二

書殷閣大臣年表後

書劉獎塚碑後 書先考功兄年譜後

王東臯紀略書後 跋古周易

跋易雅 跋左傳補注

跋杼山集

跋蓮華苑書

跋河南集

跋武溪集

跋河東集

跋玉楮集

跋石田集

跋元遺山詩

跋葉文莊公集

跋金薤琳瑯

跋沈文端公家書

跋祝枝山書

跋邊習詩

跋弘正詩鈔

跋張忠定公修扇紀事

跋蕙齋二書

跋王仲山集

跋金與安手蹟

跋張忠定公題射雕圖

跋自書宋人絕句

木瓜詩辨

金人南遷錄辨

卷十三

孝昭皇后諡冊文 祭天妃文

鑲紅旗副都統阿爾虎 諭祭文

太子少保正白旗副都統徐大貴 諭祭文

鑲紅旗副都統佐領阿爾虎碑文

副都統佐領阿爾虎碑文 第二稿

太子少保正白旗副都統徐大貴碑文

恭請酌定 先師祀典疏

請正從祀諸賢位號疏

請增從祀理學真儒疏

請修經史刻版疏

迎駕紀恩錄

北征日記

紀琉球入太學始末

卷十四

長白山錄

廣州遊覽小志

五言詩凡例

七言詩凡例

瀟山人文略卷五

新城王士禎牛胎上

四川鄉試錄序

皇上御極十有一年天下當復貢士於鄉禮臣列
名以請仰荷 睿裁命 士禎 日奎典試西蜀
伏念蜀古西南激也山川險遠距輦轂六千里徑
蜀幅員且萬里兵燹之後天府沃壤盡繼荆棘
遇

世祖皇帝神武戡定天清地寧遺黎又安乃眷
西顧矢其文德二十餘年漸已家習弦誦戶被詩

書其在於今正小養教育為 朝廷得人食報之

日也顧 以介鄙小儒膺茲鉅任拜 命驚惕中

夜傍徨畏或隕越於是戒車馬馳陟雲棧踰巴閬

羊腸鳥道卜步九折紫宿霧陵迅湍深箐窮冥虎

豹呌呌叱馭而前凡七上餘日始抵成都既至

相與營神受事探策決題進提學使事 張某所

遺士一千二百有奇三試之積旬有五日得士四

十二人副貢成均者八人錄文二十首以獻 臣當

颺言蘭端 惟國家校治首重人才人才之盛莫

先制舉古者用人所重者道德而已唐虞之世命

司徒以敷五教命典樂以教胥子而教未九德宣

出其中則官人司徒以三物教萬民而賓興之鄉

人人一年則人止其德行道藝而興其賢能獻書

上合之天府三代以上遐哉尚矣西京而下舉

士之選大約有 曰賢良方正 曰孝廉秀才曰博

士弟子建武以還又有自前而後獨行高節清白

質直諸目故兩漢得人號稱極盛洎宋俗流競選

舉人實有雄始議變法傳儒者試經學文史試章

奏此唐宋來制舉所由時也迨乎魏晉又設九品

立中正及其弊也乃不上品無寒士下品無高門

故旋行而旋罷自唐宋迄元明乃一歸重於制舉

矣歷代名臣大儒肩此踵接率皆制舉之所得然

而宋臣朱熹之論猶謂以文詞取士實為無用之

言而尚德之風不可復見欲以明道熙寧之議救

之其說終不可行夫鄉舉里選之法既難行於今

日而文章聲價之末又廉無以獲真才而程實效

顧行之久遠而卒不可易者豈非以制舉之得人

差為近古而無取去猶名偽服之紛紛與我

皇上臨御以來節察旁求與得雄俊非常之才以

禮而羅之作人之化覃被遐邇巖棲谷飲之士類

無不爭自汴屬以美一日之知蜀即介在荒服然而井絡垂曜江漢遵流璧玉岸象丹青空青之產木蘭棧桂椅桐板枿之材桑漆麻紵之利自昔號爲陸海地在西南其卦直坤故多文章自文翁興起學官巴蜀之間俗好儒雅士生其地類多瑰瑋閭博視鄒魯文學吳越秀民無多讓焉然而臣謹懼矣臣之衡士者言也士受衡而自見其奇者亦以言也 朝廷側席詎僅雕蟲咕嚕聲華組績之爲尚與將觀其賢能以收異日之用也以古者司徒卿大夫之職而責諸臣一日之取舍以古者九德三物之效而期諸多士一日之言臣安得不懼隋儒王通曰文士之行可見鮑昭江淹捐者也其文急是時孔莊狂者也其文急唐韋諷曰仁義之人其言藹如宋朱熹曰理明則異端不惑流俗不亂德可大業可久臣竊持此法以相士觀其言主璋潔潤以卜其奇雲霞蒸變以卜其才淵渟嶽峙以卜其器量光風霽月以卜其心術舉多士之才具性情隱然相遇於尺幅行墨之口而後題品之拂拭之必如東方生之射覆覆十而射不失一而後臣心稍即安焉然臣猶有懼宣聖有言君子不

以言舉人不以人廢言是人與言猶有間也多諫產於蜀請以蜀論司馬相如耀文上京而史謂其多虛詞蓋說揚雄著法言以擬聖人而劇秦美新辭幾干古言固未足爲重輕也至如張綱之勁節蔣琬之忠雅田錫之耿介范鎮之勇決張栻之理學虞允文之應變魏了翁之學術不必盡以文詞表見也多士今日以先資之言受衡於臣而臣以異日矢報之績期勉乎士勿以文章聲貌之末而忘三代邇邇至選之初意庶幾拔十得五以副當于旁求之盛心安見制舉之得人不能收德行造藝之效與夫如是庶其無負簡書而臣隕越之望或少臻矣戶部福建清吏司郎中臣王士禛謹序

西巡日錄序

古者史官之職左紀言右紀事唐宋已來其職分
房中書門下二省所謂起居郎起居舍人是也若
夫六飛時邁扈從近臣荷橐筆紀述其山川道
路征伐號令則有如溫大雅之創業起居注金幼
孜之北征日錄陸深之南巡日記其體製雖有不
同而其合於古左右史之義一也翰林侍讀江村
高先生以文章經術受

上特達之知朝夕講幄論思啟沃歷七八年所歲

壬戌以滇南蕩平

寫幸盛京謁告

昭

福二陵癸亥 幸五臺山因時巡畿輔侍讀皆以
法從侍 行在因所見聞成日錄凡幾卷其東巡
日錄宗伯陳先生簡討朱先生既序之矣復以西
巡日錄屬予序予三復其書如紀完縣之賜金紀
阜平之復設皆關政事沿革之大者而紀賜裘賜
裳則尤見

皇上恩禮儒臣之雅侍讀遭逢盛代之美有廢歌
喜起之風焉昔馬第伯以中元元年從封禪泰山

應劭取其紀述之語以爲封禪儀其文亦簡遠焉
千古山水遊記之祖今侍讀之文不減應氏而其
義又合於古左右史之職後有徵文考獻者此固
所不得而遺也爲序而藏之康熙二十年朝議大
夫國子監祭酒王士禎謹序

長山縣新誌序

今上康熙紀元之二十三年閏粵底定海外有幾
遂設臺灣府縣輪廣之盛軼漢越唐會

命儒臣纂修皇清一統志開館 禁中先是相

曲沃衛文清公亦有是請至是十年始觀厥成洵

一代之鉅典也長山爲濟東望縣舊志修於隆慶

近百年矣於是縣先達太常少卿王公徵考文獻

網羅放紛集文學之士按部就班臚件繁發凡利

而身總秉筆之任書來徵序亦惟志之防也其焉

貢乎迨周禮職方氏掌天下之圖內史掌四方之

志其職益詳下至土訓掌道地圖以詔地事

掌道方志以詔觀事巡守則夾王車脩顧問

納焉嗣是班孟堅作十志志之統於史者也

三秦記常璩華陽國志以及三輔黃圖決錄之

志之別於史者也洛陽伽藍建康宮殿襄陽耆舊

汝南先賢分志之一體者也十洲洞冥真臘佛國

之屬又山海之支別而志之談詭者也唐宋以來

作者衆矣而賈耽十道述李吉甫元和郡國志樂

史太平寰宇記獨見稱說明康海志武功崔銑志

安陽區區一邑之書而文人學士獨愛重之何

矣

勿亦以其思精而體要文勝而旨深微因筆始

害物土宜察風俗有當於禹貢周禮之遺者與長

山古於陵地陳仲子之清風猶有存者長白山爲

副嶽封禪書所謂禪泰山下趾東北肅然山是也

范希文微時讀書於此書堂故蹟在焉至今千百

年士有廉介之風卿大夫懷先憂後樂之志實二

公百世之上有以興起之故地不百里而人物之

盛甲於郡邑有由然矣太常之爲是志也精而

瞻而潔是非進退不謬於聖人之旨匪惟可與安

陽武功並傳藝林亦足爲他日 巡守夾車之

矣余故樂得而書之

豐城丁氏族譜序

古帝王之治天下也必自睦族始故堯典曰以親九族九族既睦平章百姓至於周之盛時則大宗小宗之法益詳而又有小史之官辨世系定昭穆小宗伯掌三族之別以辨親疏傳曰上治祖禰旁治兄弟下治子孫親親故尊祖尊祖故敬宗敬宗故收族收族故宗廟嚴此三代之盛軌也降及暴秦富民有子則分居貧民有子則出贅而宗法始大壞隋唐以上官有簿狀家有譜系祇據以定選舉別婚姻於是膏粱華腴甲乙之名紛紛競起浸失古敬宗收族遺意至於五代豆盧革輩說以門望爲相貽笑當世宗法至是乃凌夷極矣宋歐陽氏蘇氏始本古小宗之法作爲族譜後之爲譜學者尚焉然余考永叔幼長於漢東終老於穎廬陵故里踪跡未嘗一二至東坡穎濱兄弟遊宦四方流離嶺嶠卒葬於鄉子孫迄未嘗歸蜀則是二氏之譜僅託諸空言而於收族嚴宗廟之義亦未嘗實舉而躬行之也豐城丁氏其先世自周太公望受封於齊生丁公伋以字爲氏其居豫章杏花村則自晉興寧間某始也其家豐城則自豐城令某

始也至十八世孫安復徙居沙湖之濱其世系雖遠而可稽而今之譜斷自沙湖爲一世從其近也其譜系始立於唐景福中再修於宋崇寧三修於南宋嘉定四修於元皇慶五修於明正統六修於萬曆丙戌則今之沙湖譜是也嗚呼世遠人湮文獻故蹟加以下戈散漫易姓改步之際世家閭閻有求其遺裔而不可得者甚或宗廟爲墟封樹蕩然子孫夷於昨隸視牛羊樵蘇之蹂踐而若罔聞問者比此然也丁氏自唐宋以來十有餘年聚族於此廟祭以時古內相卹而有無相通尊卑有序而不亂親疎有別而不貳其譜一修再修迄於五六而未已其與古大宗之法卽未知盡合與否然於古者尊禰尊祖之義則謂無愧矣前此爲譜序者有何公延世吳公澄揭公從斯劉公儼皆閩人大儒而今福建提學僉事次蘭君重修新譜復屬予序予辭不敢當而君之請益勤於是原古大小宗之意以復之推此志也於以親親長長而治天下不難矣